

etiam magis quam Capaccius, bonas copias pessum dederunt; Anonymus adeo compendia barbatae solvere solet. Nihilominus auctorem hunc propter aetatem certe non neglegendum sedulo adhibui.

V. Et pleniora multo et emendatiora sunt collectanea SIRMONTI, quae extant in codicibus eius hodie Parisinis n. 1418. 1420 = Lat. 10807. 10809; usus iis est in appendice Gruterus. Earum auctoritate vel hodie imprimis standum est; optime enim titulos excepit et versuum ordinem in paginis certe plerumque retinuit.

VI. Andreas FERRARO in libro *del cemetero Nolano con le vite di alcuni santi che vi furono sepeliti* (Neapoli 1644. 4. pp. 112) elogia quaedam praesertim christiana rettulit passim luxata et interpolata. Ab eo pendet UGHELLIVS.

VII. HOLSTENIVS quoque inscriptiones quasdam Cimitilenses perite ut solebat descripsit; sed schedae in bibliotheca Barberina collocatae perierunt neque inde habemus nisi excerpta Mariniana.

VIII. Carolus GVDAGNI a. 1685 confecit librum (quem editum esse Remondinius ait, ego scriptum tantum vidi in bibliotheca Parascandola) *storia di Nola sacra illustrata nel cimiterio e basiliche di S. Felice in Pincis*.

IX. Franciscus BLANCHINIVS in praefatione ad Anastasium bibliothecarium de vitis Romanorum pontificum (vol. I Romae 1718 fol.) Nolanas inscriptiones christianas quas edidit, eas accepisse eum a Matthaео AEGYPTIO probabile est propterea quod in schedis Veronensibus ait n. 1258 Aegyptium sibi misisse a. 1705. Apographa non optima sunt, sed certe non interpolata. — Muratorio Gorio Maffeo COMVS, PROCACCELIVS, ARNOLFINIVS inter alia subsidia ex regno Neapolitano petita etiam Nolana quaedam subministrarunt, sparsa tamen et pauca. — Similia habet ANONYMVS NEAPOLITANVS qui mihi dicitur, id est codex nuper in bibliothecam publicam Neapolitanam inlatus numero carens adhuc, inscriptus *Notizie istoriche della città di Nola*, in quo leguntur tituli n. 1237. 1245. 1269. 1272. 1273. 1344.

X. Iohannes Stephanus REMONDINIVS in edita historia ecclesiastica Nolana (*della Nolana ecclesiastica storia* vol. I—III. Neapoli 1747—1757 fol.) lapides Nolanos diligenter collectos edidit totamque rem

epigraphicam Nolanam egregie firmavit, quamquam in titulis lectu difficilioribus non solum doctrinam et industriam, sed fidem quoque aegre desiderabis (v. n. 1254. 1338. 1354). Idem quotquot potuit lapides Nolanos in aedes Seminarii congegit, quorum hodie ibi non extant nisi qui speciosiores et pulchriores videbantur, reliquis in aedium instauratione infeliciter absumptis. Quos ibi exposuit, eos exhibuit folio separato, quod invenitur interdum adiunctum ad historiae volumen III, edito post historiam absolutam hac praescriptione: *Iscrizioni che stanno nel museo del vescovil seminario di Nola*, neque loco neque anno editionis notato. Insunt complures lapides qui in historia desiderantur. — Quae pauca Nolana vulgavit LVPOLI in itinere Venusino, ex Remondinio sublegit.

XI. POCOICKVS (1752) quae excepit Nola, vix usquam profuerunt.

XII. GIOVENAZIVS Nola quoque a. 1758 titulos excepit diligenter, quae exempla per Zaccariam ad Marinium delata extant in codice Vaticano 9127.

XIII. Andreas AMBROSINI (*delle memorie storico-critiche del cimiterio di Nola libri tre*. Neapoli vol. 1. 2. 1792. 8.) pleraque ex Remondinio mutuatus pauca de suo addidit.

Ipse a. 1845. 1846 aliquoties Nola adii eodemque reversus sum a. 1876. Amici quoque complures Brunnus, Galante, Duhnus, alii eodem advenerunt. Descripsimus igitur lapides, quorum copia nobis facta est; et quae ibi regnat monumentorum incuria neque saeculo progrediente deminuitur, sed magis crescit, fecit, ut multa et praeclara monumenta olim ibi visa hodie desiderantur. Id ad inscriptiones christianas quoque pervenit, quae in coemeterio antiquo, hodie Cimitile, prope Nola in vetustissima basilica S. Felicis in Pincis plurimae reperiuntur. In iisdem praeterea cum esset difficillimum diiudicare, quae quidem anno carerent, utrum huic libro convenirent an res aevi tractantibus relinquendae essent, in ea re meorum errorum veniam a lectoribus impetrare cupio. Epigramma S. Paulini, cuius reliquiae spectantur in basilica (Mur. 1871, 1), omisi, cum in eius operibus suum locum teneat; eandemque ob causam non recepi carmen Damasi de S. Felice (Damasi opp. ed. Merenda p. 440. 230).

1233 [= 1968] prope Nola in pago S. Pauli in aedium quarundam fenestra SIRM.; in casali S. Pauli in marmore supra fenestram domus cuiusdam *de lo vico* ANON. a. 1591. Nola in vico S. Pauli fragmentum GIORD.

	SVF · A · PLAVTIVS · L · NONIVS	p. C. 29
	T · SALVIVS · PARIANVS · A · TERENTIVS · II · VIR SEX · APONIVS · PROCVLVS · Q · NOLCENNIVS · AED	
	L · CASSIVS · LONGINVS · M · VINICIVS · COS	p. C. 30
5	SVF · C · CASSIVS · LONGINVS · L · NAEVIVS · SVRDINVS M · SENTIVS · RVFVS · Q · VIBIDIVS · SEDATVS · II · VIR P · SVBIDIVS · POLLIO · SEX · PARIANVS · SERENVS · AED	
	TI · CAESAR · AVG · V · COS	p. C. 31
	SVF · VII · ID · MAI · FAVSTVS · CORNELIVS · SVLLA · SEX · TEIDIVS · CATVLL · COS	
10	SVF · K · IVL · L · FVLCINIVS · TRIO · COS T · OPIVVS · PROCVLVS · M · STAVS · FLACCVS · II · VIR · ITER · Q M · ATINIVS · FLORENS · A · CLVVIVS · CELER · AED	
	SVF · K · OCT · P · MEMMIVS · REGVLVS · COS	
	CN · DOMITIVS · AHENOBABVVS · COS	p. C. 32
15	SVF · K · IVL · A · VITELLIVS · COS M · VALERIVS · POSTVMVS · Q · LVCEIVS · CLEMENS · II · VIR C · SENTIVS · SEVERVS · L · IPPPELLIVS · ATTICVS · AED	
	SER · SVLPICIVS · GALBA · L · SVLLA · FELIX · COS	p. C. 33

Sirmondus 1418 n. 38 (inde Grut. 1087, 1); Fab. Giordanus hist. Neap. ms.; Anonymus a. 1591 f. 51. 85'; Capaccius p. 885. Orelli 4033.

Vv. disposui ad Giord., nec multum differt Sirm. — 3 APONTVS Cap. — NOLCENNIVS Anon. Giord. Cap., NOLLENIVS Sirm. — 4 COSS Giord. — 6 nexum servavit Giord., SENCIVS Anon. — VIBIDIVS Anon. Giord., VIB·FIDIVS Cap., VIBIDIVS Sirm. — 7 POLCIO Cap. In fistula Stabiana n. 774 legitur *P. Subidi Pollionis pr. u.* — 8 T·CAESAR Cap. — Seiani nomen omissum est. — 11 L·OPIVVS Sirm. (cod.) solus. — fin. Q Grut. Cap., om. Sirm. (cod.) Giord. — 12 M·ATENIVS Anon., M·ANTONIVS Cap. — 13 OCTOB Sirm. (cod.). — 14 AENOBABVVS Cap. — Camilli Scriboniani nomen similiter omissum est. — 16 LVCEIVS Cap. — 18 Galba cum eo tempore quo fasces gerebat, Lucii praenomine usus sit, Servii postea demum resumpsit (v. vol. I n. 770; Sueton. Galb. 4), fasti hi non per annos quos referunt, sed tempore posteriore perscripti sint necesse est. Itaque v. 8. 14 non lituram subierunt, sed ab initio vacabant.